

## **REGULATIV DA PARCAR PER LA VISCHNAUNCA SIAT:**

### **Art. 1**

Quest regulativ regla il parcar da tuttas sorts vehichels ( autos, carrs annex, vehichels agricols, maschinas etc. ) sin terren public. Cheutras vul la vischnaunca gidar a procurar per in diember sufficient da parcadis sco era per bien uorden da parcar.

Autos e vehichels da tuttas spezias senza nummeras astgan buca vegnir parcai sin parcadis publics, e per regla era buca sin auter terren public. Quels duei mintgin tener sin terren privat.

### **Art. 2**

La suprastonza communal obligescha possessurs e possessuras da vehichels, che disponan buca da plaz da parcar sin terren privat ( tenor art. 24 dalla lescha da baghegiar communal ), da parcar lur vehichels sin in parcadi public, che vegn eregius dalla vischnaunca. La vischnaunca pretenda persuerter ina taxa pauschala da diever per onn.

### **Art. 3**

Il parcar permanent ( naven da 3 meins e dapli per onn ) sin terren public senza lubientscha dalla suprastonza communal ei buca lubiu.

Il plaz sur baselgia sto restar libers d'autos privats duront igl unviern ( pervia il rumir neiv ). Sulett il traffic d'apport ei lubius sin quei plaz duront igl unviern.

Scadin(a) che basegna in parcadi sin terren da vischnaunca, ei obligaus d'annunziar quei mintgamai entochen igl 1. da november digl onn current alla suprastonza communal.

Basegn'in affitader buca pli il parcadi, eis el obligaus da comunicar quei alla suprastonza communal. Medemamain ston era midadas d'affitader vegnir comunicadas.

La vischnaunca resalva il dretg da retrer in parcadi mess a disposiziun sin terren public, cun observar in temps da visada en scret da 1 meins.

### **Art. 4**

La vischnaunca sesprova da procurar per mintga interessent(a) in plaz da parcar en la proxima vischinonza da siu da casa. Ei quei buca pusseivel, metta la vischnaunca a disposiziun parcadis publics „Bual“, in ton dil plaz casa da scola, parcadi „Tuf“ e „Jelmoli“.

Ils carrs annex, vehichels agricols, maschinas etc. ein da parcar el „Jelmoli“.

### **Art. 5**

Scadin(a) affitader(a) d'in plaz da parcar da vischnaunca ei obligaus da procurar ch'ei regi bien uorden sil parcadi, e sch'ei fa basegns, da rumir la neiv.

### **Art. 6**

La taxa d'affitaziun per parcadi sin terren communal vegn fixada sin frs. 100.—per onn, e vegn tschentada a quen cul quen communal.

La lubientscha dat buca il dretg sin in cert parcadi. Ella lubescha sulettamein da parcar il vehichel a norma dalla legislaziun valeivla sin terren public.

#### Art. 7

La vischnaunca surpren negina responsabladat per donns ed enguladetschs sin parcadis e terren public.

La suprastonza communal exequescha quest regulativ e procura per las controllas necessarias. Ella punescha surpassaments da quest regulativ cun frs.30.-- entochen frs. 200.—

#### Art. 8

Per fatgs buca reglai en quest regulativ valan primarmein las prescripziuns dalla lescha da baghegiar communal ( art. 24 ).La suprastonza ha la cumpatenza da reglar cass specials.

Quest regulativ scassa tuttas cunvegnientschas existentas denter la vischnaunca e personas privatas pertuccond il parcar vehichels.

#### Art. 9

Present reglament sa vegnir revedius parzial- ni totalmein entras la radunonza communal.

#### Art. 10

Quest regulativ entra en vigur cun l'approbaziun entras la radunonza communal, e vala naven d'igl

Approbau entras la radunonza communal dils 06. 02. 1998

Il president communal:

*A. Depuit*



igl actuar:

*A. Laminelli*